



KHUTBA JUMMAH

HADHRAT MUHYI-UD-DIN AL-KHALIFATULLAH

MUNIR AHMAD AZIM

19 Juillet 2019

16 Dhul-Qaddah 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor : **DAWAT-I-ALLAH (PARTIE 2)**

OBLIGATIONS D'ENE DAI-I-ALLAH ET BANE MEMBRES DU JAMAAT UL SAHIH AL ISLAM.

Ena ene parti dimoune ki présente zot complètement devant le Jamaat et zot faire *Dawat-i-Allah*. Ena ene parti dimoune ki capave donne peu de temps, ena d'autres ki présente zot du bien ki zot fine gagner avec boucou de difficultés, devant Allah et comme sa zot prouve ki zot déclaration de *Dai-illallah* comme vrai ; mais Allah fine dire : « *Présente zot être aussi li bien nécessaire.* »

Ou plutôt fine dire : '*présente ou être avant toute autre chose*'. La cause sa même chaque membre du Jamaat Ul Sahih Al Islam ki pé sacrifier zot bane du bien mais ki pas pé capave sacrifier zot le temps, couma dire d'après sa verset Quran là , li pé accepter ene religion boiteux. Li manque ene lipié. Li ene *langra*.

En citant désirs de bane *Dawat-i-Allah* dans l'islam à l'époque nous bien-aimé prophète (saws) et même à l'époque de Hazrat Massih Maoud (as), chaque *Dai-i-Allah* ti pé faire *Dawat-i-Allah* avec boucou de l'amour et de sincérité. Zot croyance ti solide couma béton et n'importe ki grade zot ti été, que ce sois intellectuel ou non-intellectuel ou n'importe ki travail zot ti pé faire, zot

profession vine après. Zot ti donne préférence le *Dawat-i-Allah* avant tous les autres choses. Zot ti prêt pou vine ene *Dai-i-Allah* pou zot gagne l'amour d'Allah. Appelle dimounes vers Allah ti zot travail principale. Donc, azordi aussi dans sa siècle là, tous bane membres du Jamaat Ul Sahih Al Islam aussi bizin donne sa travail *Dawat-i-Allah* là plisse priorité ki tous les autres travaux.

CHACUN PARMi ZOT LI ENE DAI-I-ALLAH.

Mo pé attire l'attention de tous bane membres du Jamaat ki zot besoin appelle tous bane dimounes du monde vers Allah, L'Éternel.

Ô bane serviteurs de Hazrat Muhammad (saws), Ô bane amoureux de la religion de Hazrat Muhammad (saws), quitte céki zot pé faire astère là et pense lors travail ki fine mette lors zot responsabilité. Parmi zot chacun li ene *Dai-i-Allah* et chacun ena pou répond devant Allah. N'importe ki ou profession, n'importe ki ou travail été, dans n'importe ki coin du monde ki ou pé rester, avec n'importe ki religion ki ou ena bane relations, ou premier obligation céki appelle le monde vers Allah et vers le *Deen* de Hazrat Muhammad (saws), c'est-à-dire, change noirté en clarté. Faire zot revivre spirituellement. Faudré faire boucou zeffort pou ki bane ki fine mort spirituellement zot revivre. Avec zeffort et *doahs*, à ce moment là, l'aide d'Allah vini pou faire bane morts revivre spirituellement. Sa c'est ene travail ki pou continuer aller même jusqu'à le dernier jour. Allah (swt) pas pou laisse ou bane zeffort alle en vain. Ena bel, bel récompense là-dans dans sa le monde ici bas-là et dans *Aakhérat* aussi. *Insha-Allah*.

CHAQUE MEMBRE DU JAMAAT UL SAHIH AL ISLAM SANS EXCEPTION BESOIN VINE ENE DAI-I-ALLAH.

Sa l'époque kot ti pé compte seulement lors quelques *Dai-i-Allah* fine fini sa. Maintenant besoin faire bane zenfants aussi vine *Dai-i-Allah* (kan mo dire zenfants, c'est pas baba di-lait ; c'est bane zenfants commencer à l'âge de 10 ans aller même). Aussi bane vieux et même jusqu'à bane malade ki pé dormi lors lili. Et si li pas capave faire narien, au moins par *doah* li bizin participe dans le bataille de *Dawat-i-Allah*.

BESOIN ENA DESIR POU ENA ZENFANT SPIRITUEL

Chaque couple, ou chaque parent bizin conne l'importance et l'obligation de *Dawat-i-Allah* dans le Jamaat. Zot bizin accompli sa par faire beaucoup de *doahs* pou ki Allah (swt) donne zot bane zenfants spirituels. Bane couples ki jusqu'à maintenant zot péna zenfant, faire *doah* avec Allah (swt) ki Allah donne zot bane zenfants ki pou faire le travail de *Dawat-i-Allah* ; ki ou faire sa avec beaucoup de dévotion, de sincérité, *Insha-Allah* et ou pou trouve sa grand miracle d'Allah là. Mais si dans ou *doah* péna aucun l'amour ki zenfant ki Allah pou donne ou, ou pas pou faire li faire le travail de *Dawat-i-Allah*, alors ou *doah* pas pou ena aucun l'effet devant Allah. Et si jamais Allah donne ou ene zenfant bé li pou vine ene test pou ou dans l'avenir.

CHAQUE INDIVIDU D'ENE JAMAAT BESOIN PARTICIPE DANS LE TRAVAIL DE DAWAT-I-ALLAH.

Beaucoup de bane pays kan zot envoie zot rapport, kan demande zot rapport de *tabligh*, zot envoie ene réponse kot ou pé penser ki tout correcte, sans tracas. Mais kan ou alle à la profondeur – et ena certain ki vraiment bien actif dans le *tabligh* – à ce moment là ou alle comprend ki très peu dimounes pé faire le *tabligh/ Dawa*.

Donc, mo dire à sa bane Jamaat là ki zot pas pou capave cassiette sa de moi, ki soi-disant tous pé faire le *tabligh*. Dans mo bane tournées dans certains pays, mo zoine sa banes dimounes là et Allah (swt) montrer moi ki bane dimounes ki vraiment pé travaux et les autres pas pé faire narien et le rapport zot envoyer embête moi kot zot mentionne ki entier Jamaat pé faire le *tabligh*. Sa li pas exacte ; seulement quelques dimounes ki pé travail dur et c'est zot fruit même ki le Jamaat entier pé profiter, et sa bane les autres dimounes là pé faire croire ki entier Jamaat so fruit sa ; li pas vrai du tout.

Donc, bane Amirs et banes Secrétaires *Tabligh* bizin encourage chaque individu dans Jamaat ki zot bizin participe dans le travail de *Dawat-i-Allah*. Sa li ene travail très très important, et c'est dans l'avenir ki nous pou conne so bane fruits. Fer le *Dawa* et *tabligh* avec bane les autres dimounes de les autres religions, et aussi bane ki trouve dans l'Islam, mais ki pas attacher avec le *Deen-i-Islam*. Attire zot vers Allah, montrer zot le droit chemin, et alors, zot pou trouve Allah avec zot. Ki

Allah faire zot *Mubarak* dans sa travail noble là, et tous les temps zot bizin sincère dans sa travail là, et sincère envers Allah et le Khalifatullah. *Insha-Allah, Ameen.*

Insha-Allah, mo pou contigne lors le sujet de *Dawat-i-Allah* Vendredi prochain, car ena beaucoup l'aspect dans le *Dawat-i-Allah* ki chaque membre du Jamaat Ul Sahih Al Islam bizin au courant et reflecter dans zot la vie de tous les jours, dans zot bane travaux de *Dawat-i-Allah, Insha-Allah.*